



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-093-10/23**
Datum: **31.05.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Graming“ d.o.o. Kiseljak za donošenje rješenja o vodnoj dozvoli za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju svježe betonske mase, sa pratećim objektima i sadržajima lociranog u naselju Potkraj, na zemljištu označenom kao k.p. broj: 1118/4 K.O. Potkraj, općina Kiseljak, na osnovu člana 139. stav (1) tačka 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu „Graming“ d.o.o. Kiseljak daje se vodna dozvola za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju svježe betonske mase, sa pratećim objektima i sadržajima izgrađenim u naselju Potkraj, na zemljištu označenom kao k.p. broj: 1118/4 K.O. Potkraj, općina Kiseljak.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (betonski taložnik, betonski kanal i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik poslovnog objekta za sve vrijeme trajanja ove vodne dozvole obezbjeđuje da se tehnološke otpadne vode koje nastaju u procesu proizvodnje svježe betonske mase prikupljaju i odvođe zasebnim kanalizacionim sistemima do trokomornog betonskog taložnika, zapremine $V = 20 \text{ m}^3$. Nakon taloženja prečišćena voda će se ponovo koristiti u tehnološkom postupku proizvodnje svježe betonske mase (sistem recirkulacije vode)
 - 3.4. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
 - 3.5. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu

- (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.6. Sadržaj (mulj) iz taložnika i kanala i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.7. Da se istrošena ulja, nauljene krpe i sav opasan otpad koji će nastati na prostoru postrojenja za spravljanje betona i betonske smjese redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog postrojenja obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. U periodu važenja ove dozvole, pravno lice je dužno provoditi sve mjere i aktivnosti propisane istom.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
10. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Graming“ d.o.o. Kiseljak obratio se ovoj Agenciji sa zahtjevom za donošenje rješenja o vodnoj dozvoli za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju svježih betonske mase, sa pratećim objektima i sadržajima izgrađenim u naselju Potkraj, na zemljištu označenom kao k.p. broj: 1118/4 K.O. Potkraj, općina Kiseljak. U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A-Opšta dokumentacija:

- Aktuelni izvod iz sudskog registra, broj: 051-0-RegZ-20-000464 od 20.04.2020. godine izdato od strane Općinskog suda u Travniku – ovjerena kopija,
- Uvjerjenje o poreznoj registraciji od 19.12.2013. godine izdato od strane Kantonalnog poreznog ureda Travnik - ovjerena kopija,
- Rješenje o odobrenju za izgradnju, broj: 03-23-12/06 od 24.01.2006. godine izdato od strane Službe za gospodarstvo, urbanizam i prostorno planiranje Općine Kiseljak – ovjerena kopija,
- Rješenje o tehničkom prijemu izgrađenih objekata, broj: 03-23-1316/05 od 18.04.2006. godine izdato od strane Službe za gospodarstvo, urbanizam i prostorno uređenje općine Kiseljak – ovjerena kopija,

- Rješenje o vodnoj dozvoli, broj:06-21-2351/2021 od 13.05.2021. godine izdato od strane Ministarstva poljoprivrede, vodoprivrede i šumarstva Srednjobosanskog kantona – ovjerena kopija,
 - Rješenje o vodnoj dozvoli, broj: UP-I/25-3-40-079-3/18 od 14.03.2018. godine izdato od strane Agencije za vodno područje rijeke Save, Sarajevo – kopija,
 - Rješenje o okolišnoj dozvoli, broj:03-23-2492/19 od 09.07.2019. godine izdato od strane Službe za gospodarstvo, urbanizam, zaštitu okoliša i komunalne poslove općine Kiseljak – ovjerena kopija,
 - Rješenje o urbanističkoj saglasnosti, broj:03-23-1461/05 od 09.01.2006. godine izdato od strane Službe za gospodarstvo, urbanizam i prostorno planiranje Općine Kiseljak – ovjerena kopija,
 - Dokaz o uplaćenju upravnoj pristojbi na zahtjev
 - B-Tehnička dokumentacija:
 - Plan aktivnosti sa mjerama i rokovima za postupno smanjenje emisija, odnosno zagađenja i za usaglašavanje sa najboljom raspoloživom tehnikom za krug pogona betonare, urađen od strane „Expert“ d.o.o. Vitez, veljača 2011. godine,
 - Plan upravljanja otpadom, urađen od strane „Expert“ d.o.o. Vitez, veljača 2011. godine,
 - Zapisnici o izvršenim periodičnim pregledima sredstava rada sa aspekta primjenjenih mjera zaštite na radu, „Expert“ d.o.o. Vitez, ožujak 2011. godine,
 - Investiciono-tehnička dokumentacija za objekat G-5, urađena od strane „Interijer“ d.o.o. Kiseljak, decembar 2005. godine,
 - Projekat izvedenog stanja vanjskih instalacija-hidro faza u cilju pribavljanja vodne dozvole za betonaru na lokaciji Potkraj-Općina Kiseljak urađen od strane „ES Hydrotechnics“ d.o.o. Sarajevo, april 2023. godine
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.
- U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na prostoru proizvodnog pogona betonare sa pratećim sadržajima „Graming“ d.o.o. Kiseljak lociran u naselju Potkraj, na zemljištu označenom kao k.p. broj: 1118/4 K.O. Potkraj, općina Kiseljak i tom prilikom sačinjen Zapisnik o izvršenom uviđaju broj: UP-1/21-3-40-093-9/23 od 30.05.2023. godine.
- Na osnovu dostavljene dokumentacije, izvršenog uviđaja na licu mjesta utvrđeno je sljedeće:
- Predmetni pogon za proizvodnju betona izgrađen je u naselju Potkraj, na zemljištu označenom kao k.p. broj: 1118/4 K.O. Potkraj, općina Kiseljak.
 - Pogon sačinjavaju: postrojenje za proizvodnju betona ELBA kapaciteta 30 m³/h, boksovi za različite frakcije mineralne sirovine, dva silosa (2x60 m³) za skladištenje cementa, natkriveni zatvoreni garažni prostor sa magacinom za skladištenje aditiva, morki čvor te prostorija za posadu.
 - U sklopu natkrivenog objekta, u nizu, izgrađen je bunar ϕ 100 cm, dubine cca 4,5 m za zahvat tehnološke vode. Na mjestu vodozahvata vode ugrađen je vodomjer.
 - Radno manipulativna površina je asfaltirana sa nagibom prema obodnom kanalu, odnosno trokomornom betonskom taložniku kapaciteta cca 20 m³. Nakon taloženja, iz treće komore voda se ponovo putem pumpnog postrojenja zahvata i koristi u tehnološkom postupku pravljenja svježije betonske mase (postupak recirkulacije). Ukoliko u trećoj komori taložnika nema dovoljne količine vode, tada investitor vodu za tehnološki postupak pravljenja cementa obezbjeđuje putem bunara. Sistem je zatvoren i ne vrši se ispuštanje tehnoloških otpadnih voda.
 - Na predmetnom lokalitetu ne vrši se skladištenje nafte i nafnih derivate, ulja, masti i sl. niti popravka i servisiranje mehanizacije.

- Čišćenje taložnika i kanala vrši investitor kontinuirano. Istaloženu komponentu odlaže na svoju deponiju sitne granulacije i ponovo je koristi u postupku proizvodnje svježe betonske mase, a voda se vraća u sistem proizvodnje (recirkulacija iste).

Investitor je u skladu sa zahtjevima iz Rješenja o vodnoj dozvoli broj: UP-I/25-3-40—079-3/18 od 14.03.2018. godine izdatog od strane Agencije za vodno područje rijeke Save, Sarajevo izradio Projekat izvedenog stanja vanjskih instalacija-hidro faza u cilju pribavljanja vodne dozvole za betonaru na lokaciji Potkraj-Općina Kiseljak urađen od strane „ES Hydrotecsnics“ d.o.o. Sarajevo, april 2023. godine.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Graming“ d.o.o. Kiseljak ispunio minimum uslova za izdavanje vodne dozvole za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju svježe betonske mase, sa pratećim objektima i sadržajima lociranog u naselju Potkraj, na zemljištu označenom kao k.p. broj: 1118/4 K.O. Potkraj, općina Kiseljak, te je riješeno kao u dispozitivu ovog Rješenja. Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačkom B-5 obrazloženja rješenja

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- Graming d.o.o. Kiseljak
- Žrtava domovinskog rata b.b., 71250 Kiseljak, (kao u prilogu),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava